



5. december 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisut apeqqutit Nunatta Isiginnaartitsisarfia pillugu:

1. Kulturimut Naalakkersuisoqarfiup ulloq 11. november Nunatta Isiginnaartitsivianut saaffiginnissutaa akineqarsimanninnerarlugu Naalakkersuisut oqarnertik aalajangiusimavaat?

2. Naalakkersuisut pingaartinnerlugu, Naalakkersuisunut ilaasortat tusagassiutinut nalunaarutaanni oqallissaarutaannilu tamanut paasissutissiissutigineqartut ilumoortuunissaat?

3. Qinikkat sulinerannut suleriaasiannullu ilisimasaqaqqalaartoq Kulturimut Naalakkersuisoq Naalakkersuisut Siulittaasuata erseqqissaaviginiarnerlugu taanna pisussaasoq eqqortumik oqalussalluni aamma pissusiviusut tunngavigalugit?

(Inatsisartunut ilaasortaq Jens B. Frederiksen, Demokraatit)

Tunngavilersuut

Kulturimut Naalakkersuisoq Nick Nielsen ulloq 11. november Nunatta Isiginnaartitsivianut allappoq ilisimatitsissutigalugu, Naalakkersuisut aalajangersimasut Nunatta Isiginnaartitsiviata missingersuutai milliuuninik pingasunik annikilliliiffigineqassasut. Peqataanik Nunatta Isiginnaartitsiviani pisortaq ataatsimeeqatiserineqarpoq. Ulloq 28. november tusagassiutinut nalunaaruteqarluni Nick Nielsen oqarpoq, saaffiginnissutini Nunatta Isiginnaartitsivianit akineqarsimanngitsoq.

Paarlattuanilli Nunatta Isiginnaartitsiviani pisortaq ulloq 3. december Sermitsiaq.ag-mut oqarpoq Naalakkersuisut saaffiginnissutaat ulloq 14. november, ulloq 19. november, ulloq 26. november, ulloq 27. november akineqartarsimasoq. Tamanna pivoq aallaaserisami: Isiginnaartitsisarfiup



pisortaa: Taamaattumik angalaarnissarput unitsipparput”.

KNR-p nittartagaani aamma allaaserisaq atuarneqarsinnaavoq qulequtaqartoq:

”Isiginnaartitsisarfiup pisortaata Nick Nielsenip pisuutitsinera ilumuunnginnerarpaa”. Allaaserisaq taanna saqqummersinneqarpoq ulloq 4. december. Allaaserisami atuarneqarsinnaavoq, Nunatta Isiginnaartitsiviata pisortaa naapertorlugu ulloq 28. november Kulturimut Naalakkersuisoqarfimmi ataatsimeeqatigiittoqarsimasoq – tassa ullormi tassanerpiaq Kulturimut Naalakkersuisup tusagassiutinut oqarnerani, Nunatta Isiginnaartitsisarfia akissuteqarsimannngitsorluunniit.

Inuttaasunut pingaaruteqarpoq tatigissallugu tusagassiutinut nalunaarummi Naalakkersuisunit paasissutissiissutaasa ilumoortuunissaat. Tamanna tunngaviuvoq apeqqutit tigusineraniit ullut sulliviit nalinnaasut qulit qaangiutsinnagit Naalakkersuisunut akeqquneqarnerannut.